

Headlines

- प्रधानमंत्री नरेंद्र मोदी होरें आखेआ ऐ जे सरकार जम्मू-कश्मीर ते लद्दाख दे लोकें दिएं आसें-तांगें गी पूरा करने लेई कम्म करना जारी रक्खोग।
- मोदी होरें इस गल्लै पर खुशी प्रगट कीती ऐ जे भारत दा इलेक्ट्रनिक्स निर्यात दुनिया च त्रीए नम्बरै पर ऐ।
- सरकारै दस्सेया ऐ जे पिछले 10एं ब'रें दौरान बजट च सेहत क्षेत्र लेई आबंटन च 164 प्रतिशत दा बाद्दा कीता गेआ ऐ।
- दक्खनी कश्मीर दे पुलवामा जिले दे अवंतीपोरा इलाके थमां सुरक्षा बलें द'ऊं संदिग्ध आतंकवादिं गी गिरफ्तार कीता ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

PM-Article-370&35-A

प्रधानमंत्री नरेंद्र मोदी होरें आखेआ ऐ जे सरकार जम्मू-कश्मीर ते लद्दाख दे लोकें आस्तै कम्म करना जारी रक्खोग। उनें आखेआ जे औने आले समें च लोकें दिएं आसें-तांगें गी बी पूरा कीता जाग। सोशल मीडिया पोस्ट च मोदी होरें आखेआ जे अज्ज 5 अगस्त गी संसद नै दफा 370 ते 35-ए गी हटाने दा फैसला लैता हा। एहू फैसला मुल्ख दे इतिहास च इक नेई बिसरने आली घड़ी ही। उनें आखेआ जे एहू जम्मू-कश्मीर ते लद्दाख दी प्रगति ते समृद्धि दे इक नमें युग दी शुरूआत दा समां हा। उनें आखेआ जे भारत दे संविधान दी इनें थाहरें पर पूरी भावना कन्नै अमलावरी कीती गेई। उनें आखेआ जे हुन विकास दे कन्नो-कन्नो वंचित महिलाएं, युवाएं, पच्छडे दे वर्ग, जनजातीय समुदाय ते हाशिए पर रवा'रदे लोकें गी सुरक्षा, सम्मान ते बरोबर दे मौके उपलब्ध होआ'रदे ना। मोदी होरें आखेआ जे एहूदे कन्नो-कन्नो दहाकें थवां भ्रष्टाचार करी पीड़ित जम्मू कश्मीर गी इस समस्या थवां आजादी थहोई ऐ।

&lt;&gt;&lt;&gt;&lt;&gt;&lt;&gt;&lt;&gt;&lt;&gt;

## PM-Electronics

प्रधानमंत्री नरेंद्र मोदी हों खुशी जाहिर कीती ऐ जे भारत दा इलेक्ट्रनिक्स निर्यात हुन दुनिया च त्रीए नम्बरै पर ऐ। इलेक्ट्रनिक्स ते आई.टी मंत्री अश्विनी वैष्णव हुंदे इक सोशल मीडिया पोस्ट गी सांझा करदे होई मोदी हों आखेआ जे भारत दे इलेक्ट्रनिक्स गी मुख्य दी युवा शक्ति दे नमें विचारें राएं बल थ्होआ'रदा ऐ। भारत औने आहले समें च इस गति गी जारी रक्खोग।

<><><><><><>

## Prez. FIJI

राष्ट्रपति द्रौपदी मुर्मू होर 2 दिन दी सरकारी यात्रा पर फिजी पुज्जी गेइयां न। फिजी दे उप-प्रधान मंत्री बिलियम गावोका ते भारत दे उच्चायुक्त पी.सी कार्तिकेन हों उंदा सौआगत कीता। राष्ट्रपति द्रौपदी मुर्मू होर 6 ते 7 अगस्त गी उत्थे होने आले कार्यक्रमें च बी हिस्सा लैडन। राष्ट्रपति ते प्रधानमंत्री हुंदे कन्नै दपक्खी बैठक लाडन। ओहू फिजी दी संसद गी बी संबोधित करड। उंदा सुवा च गांधी मेमोरियल कालेज दा दौरा लाने ते श्री सिवा Subramaniya Swamy मंदर दा दौरा लाने दा बी कार्यक्रम ऐ।

<><><><><><>

## Integration-Day Poonch

पुंछ जिले च अज्ज एकता दिवस दा आयोजन कीता गेआ जेदे च बक्ख-बक्ख सियासी, समाजी ते धार्मिक संगठनें दे लोकें शिरकत कीती। एहू आयोजन जम्मू-कश्मीर थमां दफा 370 हटाए जाने दे 5 बरे पूरे होने दे सिलसिले च आयोजित कीता गेदा हा।

<><><><><><>

## Plantation-Drive Udh.

उधमपुर जिला प्रशासन आस्सेआ जंगली जीवें दी राक्खी हिफाजत सरबंधी मैहकमे आस्सेआ टांडे डीयर पार्क च बूहटे लाने दी इक मुहिम चलाई गई। एहू मुहिम 'एक पेड़ मां के नाम' ते 'एक पेड़ शहीदों के नाम' तैहत चलाई गई। इस मौके पर उधमपुर दियां डिप्टी कमिशनर सलोनी राय होर मुख्ख परौहनियां हियां।

<><><><><><>

## LS-Plantation

पर्यावरण, जंगलात ते जलवायु बदलाव सरबंधी मंत्री भूपेंद्र यादव होरें आखेआ ऐ जे उंदे मंत्रालय नै 'एक पेड़ मां के नाम' अभियान च मती हिस्सेदारी आस्तै सब्बै संसद सदस्यें गी इक चिट्ठी लिखी ऐ। लोकसभा च इक सोआलै दा परता दिंदे होई यादव होरें आखेआ जे प्रधानमंत्री नरेंद्र मोदी होरें पर्यावरण संरक्षण ते जंगलें दे क्षेत्र गी बदाने दा अभियान शुरू कीता ऐ।

<><><><><><>

## LS-Mudra

केंद्र नै अज्ज दस्सेया ऐ जे मुलखै च पी.एम मुद्रा योजना तैहत दोआर वापस नेई करने सरबंधी देनदारियां जिसी एन.पी.ए आखेआ जंदा ऐ बडियां घट्ट ना। अज्ज लोकसभा च प्रश्नकाल दौरान जिमनी सोआलें दा परता दिंदे होई केंद्री खजाना मंत्री निर्मला सीतारमण होरें आखेआ जे मुद्रा स्कीम तैहत लाभार्थिं गी दित्ते गेदे दोआरें च एनपीए दी प्रतिशत शडी 2 इशारिया 1 प्रतिशत ऐ।

<><><><><><>

## LS-Health

केंद्री सेहत ते परिवार कल्याण मंत्री जगत प्रकाश नड्डा होरें आखेआ ऐ जे मोदी सरकार नै सेहत क्षेत्र गी सब्बनें शा मती तरजीह दित्ती ऐ। अज्ज लोकसभा च सेहत ते परिवार कल्याण मंत्रालय दे इख्तयारें हेठ 2024-25 बरे दिएं ग्रांट मंगें पर होई दी चर्चा दा परता दिंदे होई उनें दस्सेया जे सेहत क्षेत्र लेई बजट जेहडा 2013-14 च 33 ज्हार 278 करोड़ रपे हा ओहू बदिए 2024-25 च 90 ज्हार 958 करोड़ रपे होई गेआ ऐ ते एह्दे च बाह्दा 164 प्रतिशत दर्ज कीता गेआ ऐ। उनें दस्सेया जे बजट बंड चा 55 प्रतिशत रकम राश्ट्रीय सेहत मिशन दे राएं खर्च कीती जंदी ऐ। उनें इब्बी दस्सेया जे सरकार बल्लें-बल्लें सेहत बजट च बाह्दा करै करदी ऐ ते एल्लै एहू जीडीपी यानि सकल घरेलू उत्पाद दे 1 इशारिया 9 प्रतिशत पुज्जी गेदा ऐ। नड्डा होरें इब्बी आखेआ जे आयुष्मान भारत तैहत मुफ्त दोआई ते जांच पर मरीज दे अपनी जेब चा होने आले खर्च गी 62 प्रतिशत कोला घटाइए 47 इशारिया 1 प्रतिशत करी दित्ता गेआ ऐ। उनें दस्सेया जे सरकार मरीजें गी म्यारी ते सस्ती दोआइयां उपलब्ध कराने लेई प्रधानमंत्री जन औषधि योजना चला करदी ऐ। बुनियादी सेहत दिक्खभाल ते टरशरी सेहत दिक्खभाल केंद्र ते बुनियादी ढांचे लेई 22 एम्स अस्पताल दी मंजूरी दित्ती गेई ऐ जिंदे चा 18 चालू होई गेदे न ते 4 दा निर्माण कम्म जारी ऐ।

<><><><><><>

## Terrorist-Arrest

दक्खनी कश्मीर दे पुलवामा जिले दे अवंतीपोरा इलाके थवां सुरक्षाबलें 2 संदिग्ध आतंकवादिं गी गिरफ्तार कीता ऐ। अधिकारी मुजब सुरक्षाबलें जुबैर अहमद ते हिजाज नाजिर गी आतंकवादी रोधी अभियान दौरान गिरफ्तार कीता गेआ। इंदे कब्जे थवां 2 पिस्तोलां ते होर दुआ आपत्तिजनक समेयान बरामद कीता गेआ ऐ।

<><><><><><>

## RS-Agri.

सरकार औंदे 5एं बरें च फसलें दियां ऐसियां कोई डेढ ज्हार बनगियां तैयार करने पर कम्म करा करदी ऐ जेहिडियां पूरी चाल्लीं पर्यावरण दे मताबक साजगार होन ते प्रधानमंत्री नरेंद्र मोदी होर औंदे किश दिनें अंदर गै 109 इस चाल्ली दिएं बनगिएं गी जारी करी देडन। एहू गल्ल केंद्री राईबाई मंत्री शिवराज सिंह चौहान होरें मंत्रालय दे कम्मकार बारै होई दी चर्चा दा परता दिंदे होई दस्सी।

<><><><><><>

## RS-PMAJ

सरकार नै अज्ज जानकारी दिती ऐ जे उनें पी एम आवास योजना दे In-situ slum Redevelopment (ISSR) तैहत घरें दे निर्माण लेई 50 ज्हार करोड़ रपे खर्च कीते न। राज्यसभा च जिमनी सोआलें दा परता दिंदे होई केंद्री आवास ते शैहरी मामलें दे मंत्री मनोहर लाल होरें आखेआ जे सरकार दा मुख मकसद सारें लेई आवास यकीनी बनाना ऐ ते जेकर राज्य प्रधानमंत्री आवास योजना तैहत इस चाल्ली दी परियोजनाएं दा प्रस्ताव दिंदे न तां ओहू ISSR Vertical गी फंड्स होने लेई प्राथमिकता देग। सरकार नै एहू बी जानकारी दिती ऐ जे उनें स्मार्ट सिटी योजना उप्पर 46 ज्हार करोड़ रपे खर्च कीते न ते बाकी दे 2 ज्हार 400 करोड़ रपें गी मार्च 2025 तककर खर्च करने दी योजना बनाई ऐ। श्री मनोहर लाल होरें आखेआ ऐ जे इस योजना तैहत 100 शैहरें दा चयन मॉडल शैहर बनाने लेई कीता गेआ ऐ।

<><><><><><>

## LS- Rural Credit

केंद्री खजाना राज्यमंत्री पंकज चौधरी होरें लोकसभा च जानकारी दिती ऐ जे ग्रामीण इलाकें च जमीनी सतह पर दोआर कर्जे दी दस्तयाबी 2014 दे 7 लक्ख 30 ज्हार करोड़ रपे कोलां बधिए 2024 च 25 लक्ख 46 ज्हार करोड़ रपे होई गई ऐ। उनें दस्सेया जे सरकारै करसानें दी भलाई बेहतरी ते राईबाई उत्पादन गी बदाने लेई केई पहलकदमियां कीतियां ना। मंत्री होरें दस्सेया जे जन धन योजना तैहत माली समावेशन यकीनी बनाने लेई 52 करोड़ खाते खोले गए ना। अज्ज लोकसभा च जिमनी सोआलें दा परता दिंदे होई मंत्री होरें जानकारी दिती जे करसान दोआर कार्ड तैहत फसल दोआर जेहडा 4 लक्ख 26 ज्हार करोड़ रपे हा ओहू 2024 च बधिए 9 लक्ख 82 ज्हार करोड़ रपे होई गेदा ऐ। मंत्री होरें दस्सेया जे नौजवानें लेई मुद्रा योजना ते स्टार्ट अप इंडिया सने केई योजना लागू कीतियां गेइयां न, इर्टनशिप योजना दा एलान कीता गेआ ऐ ते मुद्रा योजना तैहत दित्ते जाने आले दोआर-कर्जे दी हद 10 लक्ख रपे कोला बदाइए 20 लक्ख रपे करी दिती गई ऐ।

<><><><><><>

## Stamp Release

केंद्री संचार मंत्री ज्योतिरादित्य सिंधिया ते युवा मामले ते खेड्डें दे मंत्री डॉ. मनसुख मांडविया होरें पैरिस च चलै करदी 33मीं ओलंपिक खेड्डें दा जश्र मनांदे होई अज्ज 4 यादगारी डाक टिकटें दा इक सेट जारी कीता। नमीं दिल्ली च आयोजित इक कार्यक्रम च 10 मीटर एयर पिस्टल मिक्स्ड टीम पदक विजेता सरबजोत सिंह, स्टीपल चेज एथलीट सुधा सिंह ते साबका क्रिकेटर आकाश चोपड़ा बी मजूद हे। एहू टिकटां नेज्जा सुट्टने, फील्ड हॉकी, किशती चलाने ते टेबल टैनिस जनेइए खेड्डें बारै ना। कार्यक्रम गी संबोधित करदे होई मनसुख मांडविया होरें आखेआ जे सरकार खेलो इंडिया जनेइए स्कीमें दी मदद कन्ने मुल्लखै दिएं खेड्डु प्रतिभाएं गी बढावा देआ करदी ऐ।

<><><><><><>